



**Comuna de Scalepranu**  
Província de Casteddu

**Comune di Escalaplano**  
Província di Cagliari

Via Sindaco Giovanni Carta n. 18 - 08043 Escalaplano  
Bia Sindigu Giuanni Carta n. 18 - 08043 Scalepranu  
Teléfunu 070/954101 – fax: 070 9541020  
internet: [www.comune.escalaplano.ca.it](http://www.comune.escalaplano.ca.it)  
e-mail: comunediescalaplano@tiscali.it

A is disterraus scalepranesus

### **Caru scalepranesu**

De un'annu a oi, cumenti seis arregodai, gràtzias a s'idea de su paesanu nostu Pepi Carta (chi bivit in Roma), s'Aministradura Comunali nd'iat boddiu su cumbidu po cuncordai un'atòbiu impari a is Scalepranesus disterraus po sa "**Festa cun is Disterraus**".

Sa festa cuncodrada cun s'agiudu de su Sòtziu Folk de Santu Srabadori, est stétia agradéssia meda de totus. E tandu Pepi Carta e su Presidenti de su Sòtziu Folk Vitoriu Cotza, ocanno puru, ant pentzau de dda torrai a cuncordai, po sighiri s'idea.

### **S'atungit a custu progetu fintzas su Presidenti Marcu Marroccu e totu su Sòtziu po sa festa manna de mesu austu**

S'aministradura Comunali, biu su préxiu de is chini ant pigau s'idea e sigura de su profetu chi podit torrai po totus, pentzat chi siat mellus a cumentzai de ocannu etotu po cuncordai is "**Festa cun is Disterraus**".

### **Po custu sei totus cumbidaus a sa parti**

Sceti totus impari eus arrennesci agatai bideas po s'annu chi benit, po si contai totus impari is esperiéntzias, is bisus, is cosas bonas, e poita no? Fintzas e is suferéntzias chi ant passau is scalepranesus chi ant biviu atesu de sa bidda nosta.

S'atòbiu est po Domìngu su 12 de Austu 2007 a is ses de merì, in sa Domu Cumunali noa.

**Po acabai si fatzu isciri ca in bidda nosta puru seus pighendi parti a sa circa apitzus de is maladies genéticas, po custu biei de cuncodrai beni is dis candu beneis a bidda po chi potzais favoressi bosu àterus puru de custa oportunitadi.**

Ti combidu a s'atòbiu de su 12 de austu e ti mandu su programma

#### **DOMINIGU 12 DE AUSTU 2007 "FESTA CUN IS DISTERRAUS "**

**A is ses de merì in S'apostu de su Consillu Comunali** de su municìpiu nou.

Su Sindigu s'at a donai is saludus

Organizazioni de sa festa cun is disterraus po s'editzioni 2008 e po is annus a sighiri

**A is seti e mesu de merì** in Pratzza Sedda:

Istrinas a is scalebranesu disterraus

Atòbiu cun is autoris de imprentas chi fueddant de Scalepranu e de sa Sardìnnia

**A is otu e mesu de su noti**

Cumbidu in donu de parti de s'aministradura pùbriga

**A is ùndixi de noti** Mùsica ètnica

Sperendi de s'atobiai totus impari s'imprassu cun afetu.

**SU SINDIGU**  
**Bissenti Demontis**